

195200

鳳凰廳志

鳳凰

鳳凰
應志

擾竊民不能耕獲非計之萬全也自三廳由乾州交界之木林坪至中營所轄之四路口築圍牆百數十里其界畫嚴矣而又度險扼衝籌設屯堡聯以碉卡計鳳凰廳境內設堡卡碉臺八百四十八座乾州廳汛堡碉卡百八十八座永綏廳境內汛堡碉卡百二十七座古丈坪連保靖縣境內汛堡碉樓六十九座各處相其地形碁布星羅遇有聲息數百里析聲相聞咸知警備其修設之地關牆則沿山歷澗建之礮臺則擇地勢衝要處立之哨臺則於關牆之間修之

卡礕屯堡則因地制宜其形或爲品字或爲一字或爲梅花無成格也其修設之處關牆則近石處用石遠石處用土礕臺則四面用石中心築土哨臺則用石砌四面各留鎗眼與礕臺同其修設之用關牆則以嚴邊疆界礕臺則以爲堵截攻戰之所哨臺則以爲巡羅瞭望之所屯堡則以爲邊民聚衛之所卡礕則用以守亦以戰遏苗之來截苗之歸均在此也至於防守之人則選本地之勇屯耕本地之田捍衛本地之民計鳳凰廳勇丁四千名永乾古保四廳縣勇

丁三千名分布礮卡有警則荷戈無事則秉耒不出
梓里而聯絡密防護周矣然此猶防於外也善後以
來又添設各寨苗弁土塘苗兵互相稽察是以苗制
苗之道而養之以叛田佔田則以苗制苗者又以苗
養苗行之有常實爲久安長治之策

練勇論

傅鼐

唐韓愈有言徵兵盈萬不如招募三千言鄉勇宜練
也前明戚繼光有言美觀則不如實用實用則不美
觀言訓練宜精也其在苗疆尤有不容疏者苗人健

捷如飛非練勇不足以制之宋史稱辰州刺史秦再
雄練土兵三千皆能披甲渡水歷山飛壘自是一方
乂安無復邊患練勇之效彰彰矣今三廳自乙卯用
兵以來於沿邊營汛之外屯練七千名其練之技曰
跳刀曰綁鉛曰跳高曰爬坡練登躡也曰烏鎗曰礮
曰長矛練遠攻也曰拳棍曰簾牌曰雙刀曰單刀曰
刷刀曰鐵尺練近殺也其練之丁則有鎗刀手矛手
礮手之分而屯弁跟役亦一體操演至百總總旗與
屯標各弁於督操之餘亦令習本身技藝有惰廢者

必懲之其練之時練勇與屯丁則有異練勇每年七月開操至次年四月止統計操練九十次辰沅道則每季大操一次屯丁每年十月開操至次年正月止統計操演三十六次農隙仍不時演習辰沅道則於正月內大操一次至於寒暑泥濕使耐勞苦於山習步法於教場兼習陳法此又法之不容疏者抑思古者簡閱必明貴賤辨等列順少長因令屯弁率勇丁於暇日聽講孝經武經每月朔望聽講

聖諭蓋又有以練其心也戚繼光又有云練兵之要先在

練將凡屯弁務令推恩義一號令約束堅明與同甘苦則丁勇用命臨事皆有實效惟欽遵

賜定訓練章程於屯弁勤能者拔補供職者留任廢弛者革退則屯弁皆知奮勉勇丁皆可精悍苗人聞風懾服庶永慶安堵矣

嘉慶四年五月廳屬士民請均出田畝以養丁勇長守碉堡一案經同知傅鼐通稟竊照卑廳上下五崗十一約地方原係土司所轄康熙年間始改土歸流逼近苗巢並非苗地乾隆六十年苗變之後所有各約

民村盡被苗人佔據雖經廓清恢復招集民戶修立
聖堡給發鎗械口糧牛具籽種暫令通力合作而匪
苗仍復阻耕奪牛焚掠不已遂於各要隘地方安設
礮卡哨臺嚴密防維難民始得安居復業竊以

國家經費有常留防兵勇勢難久駐一經裁撤則礮卡
空虛苗匪仍可肆志因諭令該士民等早爲籌酌必
須自相爲守嘉慶四年五月內該士民等以兵燹之
後民弱苗強匪徒時懷侵掠之心惟恃此沿邊礮卡
緊嚴以爲保障將來撤防匪苗又復出蹂躪不惟田

地仍爲苗有卽身家墳墓亦皆不保並致波及後路
遺害無窮此時通力合作在田少丁多之戶固無不
樂從而田多丁少之家則未免缺望是以公同定議
情願將各戶所有田畝每戶除每男一丁留養口田
種三斗女一口留養口田種一斗外其餘之產再留
十分之三均出十分之七以爲養勇守邊永遠防維
之計此上五崗七約均田之原委也其下五崗四約
內相近麻瀘之溪口麻良二約亦係照上五崗辦理
惟貼近苗寨之都吾務頭二約田地盡被前右二營

花黑等苗強佔結寨居住抗不遷移所安民垵屢被
攻燬不惟不容民戶歸復並赴後路縱掠愈侵愈遠
卽沿邊營汛皆有難以存立之勢該民戶等知該處
苗情最爲兇橫萬難復業並知此路所安礮卡哨臺
輟之南路增至數倍需人更多田少豈敷分給是以
情願將所有該二約田地全行呈出充公此下五崙
溪口等二約田畝照例均出而都吾等二約田畝盡
行充公之原委也以顛反覆籌思苗疆久安長治之
策舍此實無他圖查各該約民戶前次突遭苗害多

被夷傷地畝荒蕪耕耘難遍且苗疆錢糧甚少多係
將無糧山地開墾成田當此之時本應清查辦理今
該士民等深知事勢各思保護身家不敢自私已業
自應如其所請此舉上五崗七約下五崗溪口麻良
二約富戶出地貧戶出丁貧民獲有棲耕之所富人
資其捍衛之功誠彼此相需兩有所益下五崗之都
吾務頭二約其地近接強苗屢得屢失民戶斷難存
立現在雖將地畝全行歸公屯守而各碉卡哨臺內
所駐丁勇多係該二約民人是名爲充公實則仍係

伊等屯種在民戶所損者少所益者多而永資捍患
實爲苗疆要務其各營兵丁田產似與民業不同本
欲另爲酌辦富鎮以禦侮安邊兵民一體不便稍有
歧異且必使兵民輯睦方可衆志成城其在大漠等
九約者令與民人一律均出其在都吾等二約者亦
皆充公以歸畫一鼐因傳集各約士民等於公所復
加妥議並取具各結存案一面令其將均出呈出各
處地畝分約分團查造地址清冊因此間田地只論
籽種若干不知頃畝之數今以鼐逐一丈量照弓步

折算現計可得田地二萬畝惟是沿邊一帶計長二百餘里連裡圖各路共有碉卡哨臺八百餘座除本營兵丁分駐外現有留防外營官兵二千五百餘名鄉勇三千六百餘名又有貼防丁勇四千九百餘名共計一萬一千餘人將來撤防之後再除鎮守新添兵八百名頂駐外其餘碉卡哨臺尙多計算必需五千入方敷分守而匪苗狡悍時復窺邊並需另選精銳備戰勇丁一千名以資援應共需勇丁六千名內有總散行營督陣大小旂等名目每名給地四五六

七畝不等計需地二萬八千餘畝現在所有田地甫
及三分之二僅敷給四千餘人再得田地八千餘畝
沿邊戰守各丁方可一律屯種在隳惟有設法辦理
以副憲懷再每歲應需子藥及遇有警動堵截追擒
需用行糧鹽菜卹賞又專司經理辦事出力之總塋
頭及帶傷殘廢之勇丁陣亡之子弟亦須各給田畝
以資養贍必當另設公田六七千畝方敷辦理急切
殊難計及只可隨時設法稟請示遵現在稟商本道
會同委員就所有田地先行逐處劃分撥給各勇丁

等並籌給牛具籽種令其乘時翻犁以備春耕如果
明歲豐收足食即可次第裁撤防兵以節糜費除俟
辦理完竣再行造冊專案具詳

五年七月總督姜晟巡撫祖之望提督王柄會奏三廳
民苗交涉之地乾州廳屬由二礮臺起至喜鵲營止
民地歸民苗地歸苗均已畫分清楚其從前民佔苗
地皆一律退還客民全行徹出鳳凰廳屬邊界二百
餘里遼遠叢雜經同知傅毓將民苗界址逐一畫分
中營暨上前營一帶以烏巢河爲界下前營暨右營

一帶以山溪爲界外爲苗地內爲民地以前民人墾
買苗地盡歸苗人其下前營之木里關峯坪龍井司
門前等處向係民地在山溪以外及烏巢河以內逼
近苗寨不便取回均給良苗佃租又烏巢河以內間
有民苗地界交錯之處亦將苗田逐細畫歸苗人民
人向住苗地者陸續招回及原住內地者均爲修砌
屯堡搭蓋房屋給與農具籽種各復原業其無業可
歸者或令在附近城關傭工或佃種均出民田壯健
者挑爲鄉勇給與鹽種分交防邊員弁督領防禦均